

本事方釋義五

類證普濟本事方卷第七

宋白沙許學士原本

長洲葉

種香巖釋義

諸蟲飛尸鬼症

制諸蟲方

宜名蕪檳圓
注五字周本無
按

白蕪蕒

檳榔

各壹
兩

右為細末蒸餅圓如梧子大每服十五圓至二十圓

空心溫湯下

按周本無
空心二字

釋義

白蕪蕒氣味辛平入手足陽明足太陰能消積殺

蟲檳榔氣味辛溫入足太陰陽明能消積下氣此

蟲積為患致腹痛不能納食惟恐藥性之行太疾故以蒸餅和圓使其緩緩而行則停滯蟲積可以掃除矣

制蟲解勞悅澤肌膚去勞熱

宜名檳漆圓注五字周本無按

檳榔 壹兩半

龍膽草 壹兩本無草字按周

乾漆 兩半

右為細末煉蜜圓如梧子大每服十圓至十五圓空

心熟水吞下 按周本無空心二字

義釋 檳榔氣味辛溫入足太陰陽明龍膽草氣味苦寒

入足厥陰乾漆氣味辛溫入足厥陰因蟲積發熱

致肌膚不潤容色不澤以上三味最能殺蟲解熱
故用之屢効

治寸白蟲方

黑鉛灰抄四錢一服

按諸本抄俱作炒

先喫豬肉脯少許

時來却用砂糖濃水半盞調鉛灰五更服蟲盡下白

粥將息一日又良方療寸白用錫沙蕪荑檳榔者極

佳

按周本錫沙作錫灰

釋義

黑鉛灰氣味甘寒入足少陰性能殺蟲先食豬肉

脯少許者以蟲頭下垂引之朝上也以糖濃水拌

鉛灰服使蟲盡下之後須白粥將息一日者不欲

本草方釋義
其留有餘未盡也此即古人所云樹德務滋去疾
務盡之意

予宣和中每覺心中多嘈雜意謂飲作又疑是蟲漫
依良方所說服之翌日下蟲二條一條長二尺五寸
頭扁濶尾尖銳每寸作一節斑斑如錦紋一條皆寸
斷矣千金方謂勞則生熱熱則生蟲心蟲曰蛔脾蟲
曰寸白腎蟲如寸截絲縷肝蟲如爛杏肺蟲如蠶五
蟲皆能殺人惟肺蟲爲最急蓋肺蟲居肺葉之內蝕
人肺系故成瘵疾咯血聲嘶藥所不到治之爲難有
人說道藏中載諸蟲皆頭向下行惟是初一至初五

以前頭向上行故用藥者多取月朏以前蓋謂此也
治飛尸者遊走皮膚穿藏府每發刺痛變作無常遁尸
者附骨入肉攻鑿血脉每發不可得近見尸喪聞哀哭
便發風尸者淫濯四肢不知痛之所在每發昏沉得風
雪便作沉尸者纏骨結藏衝心脇每發絞切遇寒冷便
作注尸者舉身沉重精神錯雜常覺昏癡每節氣致癱
輒成大惡皆宜用此方

忍冬藤葉膏
注五字周本無 按

忍冬葉剉數斛煮令濃濾取汁再熬令成膏

按五字
周本作

煎之二字每服如雞子大一塊開水任下日二服太一精

神丹及蘇合香圓治此疾第一

義

忍冬葉氣味辛甘微寒入足厥陰性能清熱解毒消腫兼治五尸之疴久服延年益壽世人每忽用之誰知至賤之物乃有殊常之功效乎

因死喪驚憂

按周本無死字

悲哀煩惱感尸氣而成諸變動不

已似冷似熱風氣觸則發雄朱散

雄黃

硃砂

桔梗

炒

羌活

當歸

升麻

川烏

龍齒

犀角

赤芍藥

按諸本俱無赤字

鬼箭炒

白殭蠶炒

川芎

南星炮

山梔子

陳皮

木香

白朮

虎頭骨

醋炙 本作虎頭骨 按諸

紫蘇子

炒 本無 按用 紫字

莽草

枳殼

黃芩

以上各等分

檳榔

貳箇

麻黃

半兩

蜈蚣

貳條 酒炙

乾全蝎

壹枚 炙 按周 本一作炒 壹分

右為細末每服二錢温酒調下日三服

義釋

雄黃氣味苦辛甘微溫入足厥陰能解毒殺蟲辟
邪崇硃砂氣味苦溫入手少陰桔梗氣味苦平入
手太陰羌活氣味苦辛甘平入足太陽當歸氣味
苦辛甘溫入手少陰足厥陰升麻氣味苦辛微溫
入足陽明川烏氣味辛大熱入足太陰少陰龍齒
氣味涼瀋入足厥陰能鎮肝安魂犀角氣味酸鹹
寒入手少陰足厥陰赤芍藥氣味苦平入足厥陰
能行血中之滯鬼箭氣味苦寒入足厥陰能殺蟲
辟邪魅白殭蠶氣味鹹辛入手足陽明能引藥入
經絡川芎氣味辛溫入足少陽厥陰南星氣味苦

辛溫入手足太陰山梔子氣味苦寒入手少陽足
厥陰陳皮氣味苦辛微溫入手足太陰木香氣味
辛溫入足太陰白朮氣味甘溫微苦入足太陰
頭骨氣味辛微熱入足厥陰能辟邪祟紫蘇子氣
味苦辛微溫入手太陰足厥陰能降氣莽草氣味
辛溫入足厥陰枳殼氣味苦寒入足太陰黃芩氣
味苦寒入手太陰少陽檳榔氣味辛溫入足太陰
陽明麻黃氣味辛溫入足太陽蜈蚣氣味辛溫入
足厥陰能辟邪祟全蝎氣味甘平入足厥陰以酒
酒調送引入經絡也此治尸氣所侵病狀變態云

本草方釋義
出故用通行十二經絡之藥辟邪鎮肝安魂及苦
辛升降開泄之品必使其病却神安而後已

項在徽城日嘗修合神精丹一料庚申予家一婦人

夢中見二蒼頭一在前一在後手中各持一物

按諸本無

各前者云到也未後應云到也擊一下爆然有聲遂

魘覺後心一點痛不可忍昏悶一時許予忽憶神精

丹有此一證取三粒令服之遂至府過片時歸視之

已無病矣云服藥竟痛止神醒今如常矣自後凡遇

相識稍有邪氣即與一二服無不應驗神精丹方在

千金方中治中風之要藥但近世少得曾青磁石爲

難合耳

凡人平居無疾苦忽如死人身不動搖默默不知人日
閉不能開口啞不能言或微知人惡聞人聲但如眩暈
移時方寤此由自汗過多按周本無自字血少氣併於血陽獨
上而不下氣壅塞而不行故身如死氣過血還陰陽循
通故移時方寤名曰鬱冒亦名血厥婦人多有之宜白

薇湯合心公散

白薇湯

白薇

當歸

人參兩半

甘草壹分

右為麤末每服五錢水二盞煎至一盞濾去滓溫服

義釋 白薇氣味苦鹹微寒入足陽明當歸氣味辛甘微

溫入手少陰足厥陰人參氣味甘溫入足陽明甘

草氣味甘平入足太陰通行十二經絡以鹹苦微

寒及辛甘微溫之藥和其陰陽以甘溫甘平之藥

扶其正氣則病自然差也

倉公散

瓜蒂末 藜蘆

雄黃

礬石

煨 本作礬石

右藥各等分為細末用少許吹入鼻中

四
義

瓜蒂氣味苦寒入手陽明藜蘆氣味苦寒入手阻
明雄黃氣味苦辛甘微溫入足厥陰能辟邪祟
毒殺蟲礞石氣味辛大熱入足厥陰此方吹入鼻
中乃開竅之藥也如上的神識不清者用苦寒以
降之辛溫以升之降升得平則神清氣爽矣
腹脇疼痛方

治男子兩脇疼痛枳實散

枳實 壹兩

白芍藥 炒黃

雀腦芎

人參 各半兩

右為細末食前用薑棗湯調下二錢酒亦得日三服

釋義

枳實氣味苦寒入足太陰白芍氣味酸微寒入足

厥陰雀腦芎氣味辛溫入足少陽厥陰人參氣味

甘溫入足陽明薑棗湯調送或酒送俱取其調和

榮衛先升後降也男子兩脇疼痛皆由肝氣乘中

故以苦寒酸寒辛溫之藥升降其氣而以甘溫之

品和其中疼自止矣

治脇肋下痛不美食葛根湯

葛根

兩半

桔梗

防風

枳殼

白芍藥

甘草

訶子 去核 周本無注

川芎

白朮

各壹兩 本俱作各壹分 按諸

右藥為麤末每服四錢水一盞半薑棗同煎至七八
濾去滓温服日三四服

釋義

葛根氣味辛甘平入足陽明桔梗氣味苦辛平入

手太陰防風氣味辛甘微温入足太陽枳殼氣味

苦寒入足太陰白芍氣味酸微寒入足厥陰甘苣

氣味甘平入足太陰訶子氣味温澀入手陽明只

太陰川芎氣味辛温入足少陽厥陰白朮氣味甘

温微苦入足太陰因脇肋下痛致脾胃受困納食

本草綱目卷之九
不美故以升散之藥鼓動脾陽兼用和中之品佐
薑棗以和榮衛則肝邪不致乘虛犯胃也

治悲哀煩惱傷肝氣至兩脇骨疼痛筋脉緊急腰脚重
滯兩股筋急兩脇牽痛四肢不能舉漸至脊脊攣急此
藥大治脇痛枳殼煮散

枳殼

細辛

桔梗

防風

川芎

各肆兩

葛根

壹兩半

甘草

貳兩

右藥為麤末每服四錢水一盞半生薑三片煎至七